


敬亭集
禮

詩一

卷六

~16
2350
1



和
2350
1-6

錦
堂
書
齋

昔司馬子長著自序曰十歲誦
古文二十而南遊江淮上會稽
探禹穴闕九疑浮沅湘北涉汶
泗講業齊魯之都觀孔子遺
風過梁楚以歸又奉使西征巴
蜀南略邛笮昆明太史公以天

授之才加以誦古文自弱歲加以
游遍天下名山大川加以講業
齊魯如承夫子之謦欬然後發
而為文者雄肆宏壯精嚴磊落
詳婉古雅無不肖其壯遊後之
採觚之士聞其風而悅之咸祖

述焉在唐有韓愈柳宗元在
宋有蘓氏父子元末皆躡子
長之藩者也上下千有餘年
僂指望若而人庸非文道之
難而壯遊尤難哉吾東雖隱
於左海崔文昌浮海入唐倡業

於前益圃稼牧父子大鳴於後
若益圃之游蜀游吳奚讓古之
人不佞今讀敬亭集多積博涉
縱橫自恣蓋必有所由來者徐叩
其杜遊則陸走五千里略霍野燕
山遵鑿巫閭達帝京水浮渤澥

萬餘里控錢山龍湫鯨鵬瓌詭之
觀庶齊魯之郊粵瞻天門日觀
路鉢華不注穿管仲晏子之舊
里謁東萊夫子廟修職貢于天
王在其在本國飄風滄鎮駐節
漢如牙頂平眩老人星又東上金

劉山槁梓上下棣華交映列尊
壘于萬瀑淵萬二千峯劉景杖
屨之下許掾全家之道氣鶴天
烟霧之樂曷以加此此則子長
氏之足目所不到而雖使唐宋
諸君子當之未必不向若而歎

矣雖然世代有高下風聲氣習
有內外之殊若使敬亭公獨挾
其杜遊謂吾可以直陵名山之業
出其上之余千秋之士必以夜郎
侯歸譏於公矣然敬亭公之有
得於杜遊良有不可少者試較

其長短淺深於後世之間子長
之風而悅之者未知孰立其下風
而請焉蓋胡常視敬亭大集其
根柢也六經語孟洛建諸老書
旁溢于內典其允林也先秦左
國苦縣漆園荀宜亭遷固之史也

財之則舒向之理途密之則韓柳
之順軌也有韻之語五七古律滔
滔茫茫奪胎蘓黃受鑰杜韓並
驅樂天騷賦高霞抵掌屈宋下
者擬迹潘陸時露齊氣而然之
洋洋大國之風也公安顏偉秀

蚤博盛名弱冠登上第入蘭臺
盛玉堂 賜暇湖堂與一時翹楚
如體素李實之輩角逐文場人
無不避公三舍如先輩李五峯
先生歛賞公之文章吃吃不離
口陽陵許福譚執最亢見公鳳

凰來儀賦慙然心服曰我不能作
其中一句韓平石樓公同公朝天
搦管吟哦必推公先中原文學之
士爭賞公作必曰文章大家然
則公之文章不啻擅一國名有
味乎天下之口也大都燕中紀

行諸作長一格價殆類少陵夔
州坡公嶺外文夫孰曰非壯遊
之致耶不佞於敬亭公後進也
自結髮稔聞公名豔公文章非
流俗浮慕之為已在昔 仁祖
朝不佞忝考官從公後時此諸

金杞為 命官谿谷張公持衡
蒼石李文公忝考席考試之暇相
與濯菴千古衆皆津津公腹有
五車書語自古文人怕患不遇
時既遇時又患不得究其用若
公則應事 宣仁兩朝皆右文

省也不可謂不遇時而其所類
脫不過一二專對事而位終不
大顯使血指汗顏單代公而斷
於館閣上者何限天故曹豈公才而
嗇公命耶然一時祿位之恭賜
果能競矣公千秋大名也哉公

在玉堂時與同寮上劄直擊造
訛無天之罪此豈獨公能公正
發憤不顧一身計其實癸亥
天開之有力焉然公平生口不言
此事集之不載庶幾哉丙少
卿之長者哉敬亭文集特其

餘事哉公嗣子廷機以會元出
宰昇平府將繡梓公大集以
壽其傳以書款不佞青城山下
請并首之文願乎其摯也義
有不可辭者遂以平昔濫僑公
文者信筆以復恐不免佛頭不

潔之譏也

屠維大淵獻黃鍾上浣漢陽

後人龍洲趙綱序

嶺南山川之景清淑亦可矣故
多文之守之士自新羅以來亦不
乏人年少時嘗中洛水文士之論

文等三子孫考以不志之

仁祖躬公在政院見年場屋

文公再三稱敬由文身文或

年安曰五子伯樂三顧之途

棧甫方主不序該余少伯公

名之見以若世三一魁亦少伯

中考又或伯樂之顧遂不
游而為之序丁云

甲辰四月日涇城東溪

子鄭斗口序



敬亭先生集卷之一

詩

陪登北城

壬辰冬江陵作

孤臣白髮照寒旌一上秋風海上城
霜拂鐵衣銀浪動電開金匣玉龍驚
三更月冷將軍幕萬竈煙沉壯士營
出塞一聲誰不泣蕭蕭征馬亦悲鳴

甲午除夕

生陽館作

去年避寇關東路今歲關西客未還
誰檢詩書墻壁裏遙憐梅竹戢塵間
年光暗逐寒更盡世事新添客鬢
斑明日一杯雖強進讓 he 年少覩衰顏

次盧蘇齋贈安四耐彥盛

許誌盧銘揔謾然却教山水鎮長緣三生宿業都
如幻四耐方便未離禪傲睨乾坤雙隻眼贈行江
海措紳篇他時笑指金剛路老石滄波不記年

許荷谷盧蘇齋嘗為四耐預作誌銘許云謹齋後慶昌樂山水以山水終其友陽川許詩

銘曰生非生死非死吁嗟乎彥盛生死一而已

入槐院再罷復叙為正字戲荅客問
兵興釋褐偶登朝窄袖戎衣試短刀三入槐廳正
幾字雙垂蓬鬢愧羣僚敢修邊幅干時譽祇獵盃
盤佐老饕鵬鷄從知天所賦捨榆不願借扶搖

院中以罰宴有物議故及之

次韻別鄭古玉 己亥忠州作

九月忠州峽歸舟替馬鞍他鄉親舊少久客別離
難亂酌君須盡弊裘天正寒滄波渺不極斜日獨
登山

統軍亭 壬寅朝天時

磅礴河山際雄恢締構餘華夷開闢日巡狩中興
初地理憑緹壑天文仰帝居每年朝玉帛使節此
躊躇

奉次謝副使令公和鄙韻

恭惟端國本專對荷 天恩玉樹連卿月金貂映
塞門人才推四郡珠玉走中原早報吾東慶歸來
錫社繁

湯站途上賦別錄呈兩使行案

弊裘羸馬路三千七渡長河倍愴然雪灑鵬毛埋
朔野風旋羊角掛遼天半生人誤功名會遠別親
當喜懼年何日粗酬 王事了好隨耕犢卧林泉
遼陽美酒斗論千不必謀生擬計然袒跣負廬消
白日流行坎止信蒼天長風破浪吾無日刻石勒
銘公有年安得徧師經黑水腰間一試老龍泉

客路辛酸萬倍千吟鬢斗覺盡皤然雪欺危棧作
平地風捲行人欲上天旅館不妨甚度日 皇城
好去酒為年曾聞秋露醺人醉莫道囊中欠貨泉

遼陽

天低大野迥漫漫西控平瀼地勢寬雲外塔稜標
佛界城頭樓角象磨盤千年華鶴何須吊一帽清
風獨起嘆稍慰遺黎通話句頗將舊俗問東韓

華表柱歌 一作遼陽勸酒歌

丁令威化作遼陽白鶴歸城郭依稀人民非再歸
問幾時華表千年送落暉沽酒來君勿遲君今不

飲欲何為遼陽城外塚累累

駐蹕山

聞說唐宗駐此山當時英武小三韓如何四載行
仁政不及虞階一舞干

廣寧途中

已窮遼左界漸近古幽州大野城沉霧層水河斷
流塵錯馮驩鉞天寒季子裘驅馳萬里意不是為
封侯

立春

年律將窮斗柄回醫閭山下暫徘徊天涯霽雪寒

宵迥城上邊風曉柝催白蟻不隨殘臘盡青絲却
趁早春迴家家剪綠呈花勝不見江南半點梅

杏山途中

今年元日好天時暖入沙河凍半澌戶外青帘誇
酒颺樓邊紅勝香花垂僮人隨俗翻多事遊子逢
春獨不宜立馬東風望鄉國杏山西畔又斜曛

登觀海亭

長城東驚跨高山截入滄溟鎖複闕亭壓鰲頭盤
地軸雲收鵬際露乾端登萊陰暗有無外秦島微
茫指顧間安得龍驤簸海去扶桑銅柱勒銘還

望夫石

一片貞心在千秋保不磷方知化石日猶是望夫
身莫謂無情物還同不語人何時復形質滄海亦
揚塵

永平府觀燈

羅帕銀鞍白鼻駒香塵不動護花紗風流光景今
宵最東北繁華此地多燈燭燄中天似畫樓臺影
裏月如波鼇山鳳輦昇平事回首三韓一起嗟

萬柳庄

光祿寺丞李
流別業也

孤竹仁賢里誰營萬柳庄層臺依甸郭飛閣背山

岡曲沼水猶合雕欄藥未芳殘山開碣石刺水引
滄浪光祿人間貴修文地下即悲風蒲樹抄落日
滿漁梁鄰父來開鑰遊人試乞漿眼前興廢事消
得訴華觴

宿三和縣

知縣表志雙送
柔肉頗示款曲

東京家世五公尊餘慶縣縣在後昆昨抵三河縣
裏宿旅人高枕夜開門

過薊州煙樹復用漸字韻

新年憶得在家時日暖晴窓凍硯漸瓊艷水邊疎
影動鵝黃亭畔嫩絲垂春華海外空相戀客路天

涯少所宜，招帳薊門煙。樹濶送行無賴，駐西曦。

永平府途上

燕山東走如長蛇，行傍長城信馬過。一派清灤明
近郭，萬株垂柳弄晴沙。春來愁緒無方解，客裏風
光奈老何。獨喚孤舟古廟下，遊人競渡早潮多。
家家簫鼓沸城闌，正值繁華節物新。風外酒帘如
喚客，水邊楊柳不勝春。青樓捲箔輕籠霧，寶馬飄
香細動塵。今日平灤王化近，行人莫問弄珠人。

謁夷齊廟

恭瞻廟貌灤河傍，二子至今有耿光。聞風養老將

焉往，載主伐君非所臧。扣馬要為萬世計，採薇寧
顧一身殃。蒙莊謾騁荒唐辯，誣道貪名死首陽。

碣石

平州之南古驪城，海中去岸五百里。有山孤峙如
柱形，石勢峩峩通頂趾。昔在海濱誌入貢，冀方舟
檝夾右此洪惟。大禹治河功手足，胼胝從此始。當
時冀兗被患甚，入海下流親經紀。河道既通泛濫
除，江漢淮濟次第理。世代變遷古道湮，九河淪海
不復誌。獨此碣石為可證，萬古不沒亦不仆。我讀
禹貢身歷此，始識河流非復舊。嗚呼微禹吾其魚。

安得與汝終宇宙

獨樂寺卧佛

獨樂何如與衆樂吾家名教豈無徵問渠樂處同
吾未應困津梁卧不應

六公詠

自遼抵燕途數千里上下數千載人物
有感於懷者得六人焉賦之效顏光祿李
北海人各一篇云

望諸君

望諸君樂毅也為燕破齊被讒奔趙其報

惠王書曰君子交絕不出惡聲忠臣去國
不潔其名有士君子之風焉

燕昭禮賢士臺築黃金崇樂毅自趙至積怨報海
東一舉七十城霸烈席卷空汶篁植薊丘鍾虞返
故宮簧言惑嗣君狼狽隳成功貽書報惠王頗有
長者風誰能執讒慝盛烈惜未終

田子春

田疇字子春北平無終人為劉虞從事奉
表長安拜騎都尉辭請報還虞已為公孫
瓚所殺遂謁墓致詔而去瓚怒抗辭不屈

入徐無山中

漢末節義士聞有田子春賊火焚九廟黃屋蒙西
塵慷慨幽州牧奔問仗伊人間關達義命天子為
動神臨組不肯縲不負知己恩主公羅凶鋒將命
致重寃亂邦豈可居終隱潔其身悵望徐無山懷
古淚盈巾

管幼安

管寧字幼安北海人東漢末與邴原王烈
適遼東依公孫度廬於山谷避難者從之
成邑見度語唯經典不及世事還山講習

非學者無見也綱目特著其出處終始

東京昔喪亂四海波蕩濁賊臣執國命威福去王
室達士貴知幾作者未滿七乘哲能高舉保此幽
貞古浮海適遼東環堵僅容膝平生一皂帽優游
若將畢凜凜天壤間高風邈難匹布衣錄賢卒千
秋執陽筆

劉越石

劉琨字越石為并州牧其長史降石勒遂
奔薊州為段匹碑所害

永嘉昔不競九土胡塵昏雄豪劉越石長嘯清塞

垣運去終奈何寃身來薊門慷慨扶風詞淚下如
泉源傷昔李騫期志在報漢恩武皇不見察九族
沈幽寃寄身鮮卑間此心誰與論手中有玄璧疇
分玉與璫剛腸化繞指已矣何所言我醉擊玉壺
千秋酌壯魂

家鉉翁

宋參政家鉉翁弼則堂伯顏軍臯亭詣軍
前祈請被驅北行放之漁陽宋亡私教授
於河間終始不失臣節

德祐丙子歲元兵入臨安緬懷則堂公倉卒臣節

完吳山氣慘愴幽州白日寒老臣膝不屈放之漁
陽間季孫留西河不見華元還舉自山河改南望
涕潏潏河間終教授北海事辛酸三復文山詩輪
囷激余肝

宋丞相文信公 集杜詩

丞相名天祥字宋瑞一字履善拘燕獄六
年不屈死於柴市 高皇帝命立祠於順
天府學之傍

管爲本時須 別張建封 復漢留長策 先主廟 首唱
恢大義 衡州縣學 仗鉞奮忠烈 北征 正當艱難時

送樊侍御扶顛待柱石入衡州社稷堪流涕呈元

二十一賊臣表逆節往在斯文去未休送王信州

北風破南極北風已具浮海航壯遊不知萬乘出

嚴武揮涕戀行在北征帳望王土窄王思禮濶會

滄海潮枯柏渡崔嵬扶桑日幽人握節漢臣回鄭

駟馬扈聖登黃閣贈嚴八閣老雷霆走精銳送樊

侍御熊虎巨阡陌八哀感激動四極八哀血戰乾

坤赤送李判官向使國不亡九成宮經綸中興業

述古蓋棺事則已奉先事與雲水白八哀星圻

台衡地送李長史南紀阻歸楫八哀回首望兩崖

柴門天高無消息幽人浩蕩想幽冀夏日行行

見羈束寫懷恨無匡復姿送樊侍御未念將朽骨

戲呈元二十一詞氣浩縱橫春陵行呻吟更流血

北征死為殊方鬼客堂魂魄猶正直南池終古立

忠義陳拾遺宅高天意悽惻送韋諷千秋萬歲名

夢李白顧步涕橫落郭代公故宅

題金陵圖

天壇道士誰氏子碧眼炯炯骨清臞欣然倒屣如

舊識手示一幅金陵圖金陵佳麗天下無龍盤虎

踞帝王都謫仙謝眺留篇詠千載膾炙令人吁畫

師不是無心人欲礙海東井蛙愚霏微煙雨漫長
空筆法似出營丘徒三山二水聞已熟指點不待
傍人呼依依暮雲北固岫歷歷歸帆京口湖淮清
橋畔柳弄煙鐵甕城邊月如梳乘流鼓柁者誰子
落日滄波風袂孤應為歸思滿吳會秋風掛席尋
尊鱸平生此景不可得我欲飄然與之俱道人有
術通神靈乞我中流一葉蘆悄然神往滄洲取塔
爾隱几疑非吾恍然一片春夢中行盡江南千里
途道人本是鶴上仙脚底且有王喬鳧胡為對此
融心神終年兀坐燕山隅

李成營丘人有
江南騷雨圖

謁三忠祠次何仲默韻

諸葛武侯岳
武穆文丞相

晚矣生偏樂浪東徒於青史感遺風向來千古評
人物今見三忠共闕宮志復中原心事一名留天
壤祭祠同英雄未可論成敗前後炎精運祚窮

出自劉北門行

鷄鳴客起行擁褐天兩霜主人且勿喧聽我歌侑
觴我歌誠亮節慷慨悲且長伊昔劉越石雄豪不
可當據鞍揮龍淵誓清胡虜塲事去屈壯圖命乖
嬰禍殃竄身鮮卑間飲泣摧肝腸鮮卑非我類信
讓反蒼黃我歌未終曲我涕翻在裳辭出北門去

誰人知我傷

望無終山

聞道無終國燕昭葬此中樂卿今不至魏絳亦無
功關外烽烟密邊頭鼓角雄惟看長路堠送客向
盧龍

高平遇警

夕烽傳劄北千里斷征輶廣野驅羊急嚴城哨騎
驚片言誰解趙一箭擬全遼愁悶登陴望雲黃故
國遙

廣寧遇警

獵火燒空漲黑山單于候騎夜深還遼西老将五
全壁獨斂游兵保北關

征虜將軍老益神斂兵無意掃邊塵單于獵火連

天赤愁殺城頭望遠人

掛印提兵
征虜前將軍

燕中記事一百韻奉呈兩使令案兼以述懷

聖曆承三統車書混八方配周營洛邑都冀繼陶
唐偃革文風盛答夷帝道昌銀泥升岱檢朱草產
齋房玉帛堆前陞珠犀溢內廂百靈朝象魏羣后
拜明堂東土藩維大令王德義彰計深端國本
思渴慰民望屢造瑤墀請方祈玉冊揚使才難古

昔人物數金張西郡旌黃鳳南方詠召棠聲名應
共埒氣岸略相當簡注廷臣底鳴 綸使事將奉
陪慙薄劣叨反抱忡惶去國心旌颺貪程駟傳忙
陰水閉鴨綠煖玉對鵝黃折木星臨野仙槎閣泛
潢逶迤山站路迢迢海東鄉渤海曾分地麗韓舊
屬疆塚纍阡漠漠鶴去月蒼蒼隋帝窮兵後唐皇
駐蹕嘗幻安風寂寞亭伯事淒涼絕域誰排悶羈
懷祗倍傷雀騾添健脚減僕散羸糧采入纔豺窟
旁羅劍戟鏗警閭凌地險遼霄扼胡吭鼓卧陰山
雪天寒野戍荒橫身經甬穴開匣撫魚鳴香醕釀

瓊液鮮豬切玉肪銀幡供守歲椒栢惱添觴旅館
聞寒兩河橋渡曉霜義同從我蔡詩許起予高序
後齊鴻鴈行先簸粃糠河山窮勝際今古閱興亡
城自湟中起墻連塞外障雄規懷聖略愚計笑羸
強山帶華夷限關通海徼防千秋望夫石孤島想
秦皇窮睇憐歸汐回便憶健檣榆關朝秣馬渝水
夕漸箱山望昌黎秀文欽吏部光平盧今近輔東
北舊名邦城枕灤河曲天低碣石傍柳深光祿宅
花謝綺羅香烟塢思圓轉風梁想頽頽枯蘭全被
徑凍藕半粘塘勝事方隅盛遊觀節日良香塵飄

細馬銀燭照康莊 聖化今無外歡娛也未央
危俯綠淨祠古飾菲芳立懦風如在稱仁聖所減
崆峒橫積翠烟樹遠微茫問道迷軒聖割腴借虜
狂山含王氣渾路入鳳城長櫛屋聯檐額檣烏赴
瀆場塑靈開嶽廟金碧煥仙廊以憩親茶碗清眠
借竹床修容加紱帽問禁入城隍磅礪蟠龍虎騫
騰舞鳳凰鵠飛知太液熊吼認長楊雙闕中天起
五雲太甲箴鈞陳護禁籙執法掃攬搶紫掖夔龍
集彤庭鳥獸陰文章堯郁韶石舜洋洋窺管天
為大傾蠡海莫量會同憑象譯提督輟星郎朝燭

侵寒動宮鴉候曉翔真仙紛會合環佩互鏗鏘內
署初分耐嘉魚屢薦鱗需雲罩雨露賜子遍丁幫
在鎬歌魚藻瞻天仄鷓行桑林疑可崇周樂聽難
詳鞭拂平馳道簾窺半面粧門臨十字巷家住五
侯坊花蜀圍賓榻香鞵立驕驕繁華雖可悅遨樂
詎能遑負重筋骸弱憂深寢食忘淹留驚節物展
轉覺羸尪柳線齊河塹榆錢度粉墻對人心自忖
聞鵲卜親康卷耳思盈額柔柔戀執筐昵歡蒙色
笑詆誕雜彭殤夜戰飛楸王春酌典鵲鷄忘生笑
荷鍾獨醒怨沉湘市吊成仁相臺踰禮隗王乾形

窺帝墀文物覩虞庠秋水唾河伯井蛙笑子陽魂
迷瓊島內夢落玉泉旁披腹空書血排雲阻叫閭
餘生應落魄雅志即滄浪曲藝堪收採虛名肯竊
攘刻舟那獲劍挾冊亦亡羊愁似虞卿述窮同阮
籍猖浮詞慙魯斧戲作類俳倡妙刮煩醫膜仙仞
倘快痒鳩鍾驚蟋蟀蘊合賤蜣螂乞巧身跼促驅
窮鬼跳跟函關無尹喜畏壘有庚桑故嶺饒芝朮
春園長芥薑平蕪千里綠歸興浩昂昂

送蘓翰林子實赴統制幕下

東南地軸蟠海雄因形置營營置將首尾連巨舳

艦橫劍戟成林碁布樣右營獨為列營尊狀如六
花森相向才兼文武合是選國依長城形勢壯控
僂機務若蝟毛萬變闔闔隨弛張必得強佐乃有
濟自前輟遣俱才望晉山公子翰林仙醞藉風流
時所尚文章炳蔚如霧豹能致清名由所養憶昔
赤雞獵士日賤名偶同金榜唱附驥顯名吾豈敢
策馬後殿兄所讓三霜槐院倚玉樹啜茶評詩無
謔浪自知所得比前長始信取友須直諒旋看藝
苑脫羈馵天生逸足終奔放才尤精鍊妙世故遇
事無難輒疎亮由來頗牧在禁中子房本非魁梧

相盤錯要須別利器時議蓋欲試所長截彼孤營
介海島迤然三南爲遮障婉婉暮畫得君重激昂
士氣由先倡征駒曉秣僕夫戒有矢插房弓交韞
春風吹動驛路塵別思縈紆增客況馬能刺刺對
婢子扣我慙慙一字賦終知厚意難泯默只願高
明採狂妄自從鯨鬣掛海門歷呼城中無羨醬當
時衝撞賴戰艦海上之塵功莫量庶願堅壁趙人
愠中令拙斲代巧匠亂後專力實在此一朝器械
都拋喪至今廟筭尚未定移甲就乙甫草創格士
終年不踐更戍卒長征不贍餉從前介冑少惻怛

公私皆君目前狀今聞主人是賢豪陸氏家風繼
遜抗勉進忠規補過差要審賞罰毋失當繩之以
律撫以恩鋤厥強梗蕪罷恙南中自古號多士豈
乏人才備咨訪髮擗紀痒務除瘼坐令軍情日舒
暢早晚身閑戎務歇不妨登臨輪鞅宕銃鼓嘲轟
海若舞旂幢揚閃日華盪長風一席鷓首飛勢若
汗漫登崑閬男兒此行不尋常何用鬱鬱愁炎瘴
官無内外在盡職願立脩名慰瞻仰秋來無恙幹
事回携手都門倒家釀

叢石臺

巴陵城西岳陽樓下瞰曾瀾七百里杜陵昌黎真
狹士張皇翰墨徒爾耳君不見金懶郡北叢石臺
巖嶮俯臨滄溟水天如車盖地方輿中涵鉅細皆
載之烏飛兔走恐沃殺日夜出沒無休時吾聞三
十六百軸地維賴以不傾欵又聞三山如漂萍鼇
頂萬古終不墜海面叢石屹離立今之所觀無乃
是我欲指彈擲天外不令世人生是非不若因是
又因非付諸莊生之滑疑同遊二三子足以起予
詩筆力遠伏弇山翁天下皆知石峯韓阿戎暫辭
供奉班風骨凜凜鶴天寒老子肯中本不羈逍遙

九萬風斯下嘲弄杜韓如村背餘子細耳無譏者
振衣千仞一長嘯斯人千載可同調俯視蹄涔龍
伯國一鈎六鼇安足釣醉睨不知天地大蓬萊清

淺波聲以

王弼山盛稱韓石峯之筆
振衣千仞句在太冲詩語

贈送李立之赴長興

東方能詩有幾家正聲微茫雅頌廢牧隱晚出益
齋門制作汪涵宗一代詞林根柢有所恃遂回狂
瀾障橫潰京山陶公又挺出亦與老牧相追配中
間遼濶繼者誰後生骨氣萬不逮今之司藝李先
生早有詩名近前輩清新殊不減唐人下視籀門

觀與未生雖孤陋無所知亦嘗追隨承警效稱人之美亦悅已洵亦不能為此態請言詩義所權輿備述作者分向背人之生也情亦具發於外者由感內心之所志有正邪為文不能無醇類四言之作起何代臯陶與帝歌賡載仲尼編詩首關雎列國之風始鄘邶終然一言蔽三百曰思無邪垂聖誨騷人哀怨詩亡後古風已矣今難再建安諸子去未遠文質勝弊非一槩自從沈謝主音韻綺靡錯綜如藻績宮羽相宣浮又切節奏煩促何瓊碎淵明冲澹獨可宗一點靈丹起痿廢梁陳滛艷不

足道抽黃媿白貪偶對聲音自是與政通文運否塞盲而晦唐興李杜首一變黃鍾大鏞鳴時又秋霄沈瀟竦金莖玉露無聲浮沆瀣連峯斷嶺勢懸亘培塿不堪瞻嵩岱後人方圓不敢加殘膏賸馥霑假貸退之才雄效衆體郊也劇目島神賽晚唐湊砌格甚卑清濁短長無可愛黃陳並肩籟長公璀璨組璣盈幾堊鋪陳簡邃有法度譬諸古器猶轟轟長楸落日試天步始信過都如歷塊諸家與奪未為公癡兒說夢徒憤憤文章之變止於此歷沂源流終感慨東人習氣最難脫爛熳娥眉施粉

黛往往述作充棟字小者不下盈篋袋紛紛偷取
口中珠點染骨角混瑇瑁優曇一出豈無人升堂
大雅知誰在雖然組織奪天巧若論天趣殊昧昧
今猶視古不可及後復追今應叵耐看君麗藻出
天才自然錦繡具肝肺筆端精寫各有態宛轉閨
情與邊塞不做鉛朱已動人傾城獨立延年妹省
僚喜得河水曹力為騷壇薙蕪穢邇來風雨厄蘓
端鄙吝未湔波汪濊玉堂金馬更待誰一麾出作
冠山倅吾聞此邑全盛日人物駢闐擁闐闐亂後
誅求不改轍流冗未還復勞徠但恐豪奪未易戢

出言嗷嗷與吾悖願先輕徭民力寬封田日闢農
功艾桑枝麥穗不足誣四境環聞殷鳴吠蛇蚪結
蟠杭徐熟事神治人無禍梅江山助發筆氣適詩
鋒不待勤砥淬海涯草不虫魚類狀出怪奇勞吟
喙有時鬱積形怨刺聊舒憂愁悲憤愾忽然得喪
俱兩忘要自胷中無滯礙早晚乘傳歷貴部卸鞍
竹屋煩蛙菜風雲變化指顧間堂堂筆陣驅前隊
填然鼓之盈不竭猛氣直欲夷所懸縛束蛟龍驅
虎豹赤手安用撻予鐵靡蒞摩壘買餘勇未決懸
胃與獲鎧左執鞭弭右屬鞬與君周旋三舍退終

持一鏃不忍發主盟詞壇期共戴倒傾鮫室散明珠所得奚啻百朋賚頡頏高舉扶雲漢翺翔乞君青霞佩勸君此後慎勿疎遠寄詩筒能屢每五馬駸駸不暫駐落景蒼茫下荒塚四方上下竟乖張回首悠悠我里痗更慕古人贈與處臨行不覺煩重許此道由來不殖落如要食實根須澆歲月晚晚能幾何枝葉峻茂吾將刈

同道會草次大學士五峯韻

今代儒林傳洋洋頌有聲道昭歸簡丹文在彼諸生明得東南吉恩踰袞蔽祭文衡詩在讀尤仰景

賢情

時嶺南儒生金允安等赴關拜疏辨誣晦齋先生批答甚優特命庭試入格者各賜恩

送權牧使仲明赴安州 以相思北風惡為韻

有美匡時彥分憂佩銅章駢駢五馬驟僦僦徒圍忙方冬氣始閉百物皆消藏陰陽有復剝否泰轉互相故及之

安石本不羈磊落少年時乃於中歲後多作送行悲我輩豈忘情惻槍重別離路難復寒厲加餐慰相思

青青澤中蘭誰使當門植雖未見人鋤蕪沒誰復

識綠艷恐休歇為君須折得朔風掩行塵茫然易
南北

知音諒難遇志士能感通我有三尺桐絨藏塵匣
中高山與流水一奏冷冷風若人不在賞何由寫
深衷

山莫櫻虎豹水莫撓蛟鰐我無忤物心物不能為
惡為政不在多操術貴簡約但令紀綱行鳴琴卧
高閣

送睦禹卿之豐巖郡

玄軒如可作吾嘗里庭下拜再世友其人顯昂如圭

玕肖中廓而公坦蕩無纖芥掌選洗如水毫毛不
罣罣直以不苟然與物存其界人方拭眸仔盛位
虛方屆茲行豈公議吾心獨不快乞外為親屈夙
志悼中壞今幸副所願如病獲新差但得以為之
何論官帑敗關中子所熟試為我細話曰惟豐巖
郡山若海之介巋亭據城頭泉石斷成卦孤雲與
獨鳥萬里入決眇山骨削崢嶸冥波殷澎湃鳥騰
四海赭鵬舉六合隘奇絕不可狀邑居如圖畫橫
琴豈無所亂後餘公解詩板簇於壁不足為吾疥
酣餘洒逸翰短紙斜千萬暗動靜中機信手碁圍

解窓明香篆烟風動藥爐韜紅棠漆縞紗春靜遊
騎快忘機海鷗親物外無紹介綠陰覆階除空庭
卧杻械戲酬百禽語雜著賡雅稗爽氣入南澗秋
光轉瀟灑枯荷匝官池睡鴨倚晴晒凍霰忽漫空
饋餽雲夫夫有時怒濤立半空鯨鬣掛賞窮四時
勝境秘千年恠六六峯娟妙澄泓注天派丹書宛
入石窺觀容棹舩神仙多變幻寧復見狡獪楓嶠
連咫尺杖屨時相戒佳境實贈爰難容一口曝披
葉度深壑掃石息餘僊窮探極幽遐壯志等拔寨
仙翁與釋子往往相迺避婆娑桂影下灑氣挹沆

灑倘非饒清福决是前生債土又少強宗不須勤
拔筵矜嚴束豪吏屏氣不敢噫臨政慎教條使民
如承祭俸祿皆脂膏座右銘石誠湖山氣自得坐
看蘓罷瘵萱闈日康樂漭漭奉匪懈人間一日歡
千金難買賣如愚無所取微才同莞蒯自憐支離
者餘力堪治鱗坐曹如在客累飯生饅餲考簿眼
盡眇叫黠聲驟噴蒼鬢近化白殘生堪笑殺羨君
一麾去不覺屢興喟漢庭竟短賈淮陰寧伍噲聊
慰嶺海陬黠陟如聾聵去去勿復道恐被微文註
皓首以為期努力慎征邁

送李相禮叔平充 世子冊封奏請使書狀
官赴京師

皇明睦四國惟魯周禮業地近最親順永世樹藩
屏憶昨狼狽初睹機固先炳臨危定衆忠決策在
俄頃國分監撫權勳庸盡寇耽崎嶇盜賊內跋涉
遍江嶺勞績在耳目國人苦引頸迨乎 王師出
經紀履全慶朝廷責已優獎勅原有證寶冊尚未
頒前後此一請使才必碩儒大功難苟倖延城華
國才世推燕許並曾揮辨誣文凜與秋霜競至今
國有賴幾平墮讒竄茲行信有濟沉假驛驢騁夫

君出南國屈宋鳴於郢登壇睹突隩汲古得脩綆
通英可復侍魚頭固多鯁洛下迹未濡辛壬與乙
丙古風已不復執筆參差行才難不其然是選果
脫穎珠玉走中原雄文終一逞春風出都門駟快
行塵靜靈槎近星漢風露衣衫冷仙鶴去已遼空
瞻華表影崢嶸玉浮圖聳出雲霄迥梵院送夜鐘
窓月吐罔罔程忙易晨夕驅馳敢言病大野曠無
垠馬首迷倒景鑿閭截北漠遼左通喉領長城秦
所築延袤萬里永今為巨唐有寧復事吞併四海
共一家前陋痛剗更亭屯列地要折箠制胡命海

山闢重關詎恤鳴吠警偉哉造化功萬古仰神聖
灤河清聖祠偃僂可酌泃滄流浩浩轉冥思理烟
艇臨高之淹留窮睇忘日竟薊門樹如薺蒼蒼勢
縣竇樓登潞河驛江浙連舳舻遠柳綠堪畫明沙
雪共淨沁途如景佳必能助情性燕山天府國繡
錯萬街井循堤玉河西煥赫羅宮省曉鍾金闕闢
石辟冠佩整燭稀曙鴉翔鷓班序密靖雅儀爭先
覩想與中國等文章刃發刃恢恢迎肯綮至誠諒
無難 皇旒動頷肯朱沈兩閣老天朝比崇環絲
綸掌帝誥丹青運化柄前有再來屬此遭應見省

和輯固成福温良子素行此行可申祝不必詒言
諍但念掉舌輩難用繩墨令急之恐生疵須要濟
寬猛此特過慮耳裁當具朗鏡事完可遨遊談勝
宜莫若中華文獻地四方就是正絃誦滿皇州儒
教於斯盛博雅如吾子正當觀周聘風雅三百篇
侵淫及衛鄭入耳則心通信乎其淵覲披謁夫子
廟壇古挾踈杏周雅刊石鼓古器誰與並詰曲辭
聳牙讀之口如硬韓公文不朽竊喜載名姓涼吹
愜春服彷彿風雩詠移節討園丘霽色浮金餅清
風散珠箔影瀉瑠璃境 聖祖配皇穹玉牌相輝

映緬想玄至日陟降致帝敬巍巍禮樂備足以知其政觀覽既云富領略宜操梗佇見幹事迴策名叅鍾鼎如愚曾莫效 聖明姑赦昔候子國西門崇酒捧木瘦屢拜不一拜稱賀手至頂此實蒼生福不獨為公幸

擁爐開酒缸月課

擿風塵雪逼寒窓湯餅龍團欲就降煖擁地爐添活火香濃麴米潑新缸紅霞替日烘成暈春雨如酥散滿腔高略秋江無太可人間一味最難雙

淘井月課

萬物養於井功叅火化行潤炎相濟用變易順生成槐鑽新煙改荆淘故事并石欄抽轉苔甃縮澄泓浚棄障泥隔桐花潑眼生圓波天小盞急溜雨喧聲汙去監明德科盈類進程取烹調五味薦潔表微誠謾說黃州夢仍將楚俗評獻言同舉燭時義在 王明

流民圖月課

理貫天人若合符災生仁愛自難誣誰陳繪事當投匭冀察蒼生困剝膚雞犬並殃由手實錐刀盡利始均輸窮閭下戶錢催糶夔路深山酒榨沽豐

結河隍瀕易子完升宮吳迫焚巫機空罄室愁紅
女未輟對田病穡夫民失故居爭圻屋吏從鄰保
更徵租操瓢仰哺填渠壑荷校為髡塞道途天上
守關多虎豹臺中垂首幾駟監門獨切憂天痛
言事寧將出位拘耳逆難容口舌競目謀宜寫肺
肝俱門前所睹聊隨狀天下攸同可及隅指點政
勞心獨苦摩挲應助默相孚銀臺拜手纔呈覽玉
色憂心數起吁萬事驅除清弊窟三霖沛澤洗烘
爐烹羊豈是循私請發馬猶當略細辜白日乍明
雲及翳芳蘭欲秀葉旋枯袖中諫錄追賢範海上

高名揭斗極願寫千通與萬本比銘窻牖並盤盂
清時縱信無疵政寓戒須為不見圖

杏園月課

董生棲廬頂雅意出塵喧鍊道雖獨善恤民念長
存早悟長桑訣洞視一方垣已病不責報但令栽
杏根償廉利於施得粟豈無源歲月坐成晚青黃
煙雨昏金彈墮喬枝筐墜羅前軒握粟日來臻討
換不待言相戒勿萌貪林間猛獸蹲仙人本辟穀
為藉貧人殮雖未遍天下一念周元元功滿便輕
舉三山列仙尊斯言殊恍惚饒舌誰敢捫緬我慕

芳躅徑造廬山村滿山杏花冥冥啼白猿孤嘯
振策返鏗然推洞門從爾諒非難君親存義恩吾
看下帷士三年不窺園一朝作益梅可使民飽溫
世無知爾者嗟嗟誰與論

敬亭先生集卷之一

敬亭先生集卷之二

詩

奉使耽羅敬次沈一松台韻

開緘擎袞字瑞錦疊秋濤翦拂恩逾厚風波氣益
豪台從南斗濶天入北辰高報謝忘夷險寧辭賤
者勞

原韻

一松

威顏擎鳳詔齋閣履鯨濤忠信千官表文章一
世豪白雲南嶺遠丹闕北天高二妙俱行役何
心歎獨勞

敬亭集卷之二

舍序赴關西御史故址
詩有二妙行役之語

浮海

耽羅使

仲尼浮于海從者乃與由仁者必有勇回也詎不
優豈其則亡歟姑於強者求余生千世後常懷千
世憂瞻望力難任泰山一毛輜如何海宇內吾道
長悠悠典上

海上

海路無蹤跡冲融塵氣間健帆當劈箭驚浪訝摧
山平地猶行險風濤暫借閑不逢瀧吏辱恭布
德音還

耽羅

海外耽羅域彈丸一點青驂騶充帝駟橘柚貢天
庭不識何王子當年動客星至今霑化遠誰肯問
生靈

兩餘題旌義館壁

積氣衝鯨島長虹飲海雲閑中僧是伴幽處鹿為
群康樂疆中作東坡嶺外文斯人不可見千載揖
餘薰

題朝天館

遇晴登眺成樓閣簇簇檣烏遠碧灣山色遙連城
郭秉人居多住橘林間蠻童錯報東風候颶母偏

驚北客顏歸思滿帆滄海濶吟詩半覺鬢毛斑

過末峴

海天晴雨已難料深箐行迷錯午朝密葉障空如
入幕枯楂拒地自成橋不堪征旆衝炎瘴忽憶歸
帆放早潮偶出通臯心眼快北望猶見五雲遙

戀北亭次金御史叔度韻

舉目淒然亭上頭悲懷不獨值清秋地痺城郭蛟
螭雜天濶滄溟日月浮漢使未隨西極馬海風難
放鬱林舟蠻村薄暮杵歌起獨倚欄干多少愁

松嶽山

滿月臺邊真面目耽羅海上偶同名不知何代浮
來此撐柱東南地勢傾

渡海宿于楸子島洋中

昔年蘓子值南遷海上曾傳夜渡篇已閱羊腸盤
百八會看鵬翼擊三千當時身棄黎人國後日名
編玉局仙獨倚篷窓聽溟渤題詩敢自擬前賢
纔經楸子日西暝海色蒼然萬里平四面天空斗
柄轉三更風起魚龍驚勢瀕翻覆閩人代命寄須
臬觀我生枕底波濤篷上月令人不寐到天明

贈松雲師之日本

遠公不出廬山岑四海歸依若鄧林吾師縱有隨
機應不失圓明正定心

彰 賜亭詩 并序

五峯相公文章勲業著於扞艱專對儼相
餘事耳嘗以 賞賚銀布為亭於郊居之
傍扁曰彰 賜後 上恩也華使羣公皆
詠其事已盈累帙琮璜繡黼燦然溢目小
子輒不自揆敢獻詩二十韻以達微志

先朝格天烈高超周漢軌豈惟武功者為有文德
恃密勿贊者誰惟公貞所履文如陸內相詞兼權

學士牧國勞最積艱危才獨倚臨文意已足秉翰
纔伸紙精切諒動神投機入人髓專對乃其餘脩
辭覲 天子被頒 天府珍 細載榮行李不供揮
觴費勝事因經紀構亭謂之濱松檟儼密通豈徒
事偃仰忱誠良有以史翰開雍公寄綸出東鄙嘉
名挹英獎流光永無止彰 賜忠之屬近祖孝之
始茲事兩美具歌詠烏可已凡人犯是躓猶足張
之後矧公大勳節炳炳垂國史荒詩無足徵敢圖
張本此倘獲從公遊繼賦臨觀美

宣祖大王挽章

臨御持循熟嚴恭四十年正倫光 列聖熙運格
皇天周漢中興軌勳華一德傳孤臣忍死淚霑洒
穆陵前

打麥詞

高田多稂莠密田易魯莽田家豈不苦六月少在
戶麥老南疇收正急傭徒飯腹腰鎌去鎌如初月
翻霜鏟割盡黃雲應幾許短秉長束積如堵滯穗
更利貧家女編條橫貫白木柄晴日空中霹靂怒
伊邪聲促響山精鴉鳩啼黑前峯兩心忙不暇戀
飢渴崇底壺飧半成土十分精斂送官倉卒歲且

有贏餘數田家雖苦有樂時飽卧終年帶鬆肚但
願官家不奪時歲歲年年長此苦

題南嶽唱酬後月課

中洲清淑氣蜿蜒衡嶽由來擅勝觀真境偶從幽
意愜仙遊况得盍簪歡天低雪後峯巒肅地括荆
南洞府寬豪氣正須盃底物朗吟何羨腋生翰半
空雲氣浮天柱上界鍾聲遠石壇搬運河山供眼
底牢籠宇宙付毫端愁看天際輕陰在悵望中原
夕靄殘踪跡已隨陵谷變珠璣傳與古今看精神
彷彿瞻喬嶽夢想翻疑躡汗漫只恨鯁岑生亦晚

阻陪藜杖上嶺坑

次紅白梅韻

羣芳無意向冬嚴應為梅兄特地謙姑射雪冰元
綽約太真豐艷孰憎嫌天然粉白描難就分外臙
支試得無便是淡粧濃抹態滿園桃李揔無鹽
茅簷風峭曉粧嚴清韻雖高態愈謙南國醜顏殊
可念東墻粉面本無嫌風前雅遠天香別竹外橫
斜月色無纔有梅花便不俗坐忘城市近魚鹽
破帽溪橋霜打嚴道存溫白挹冲謙韻寒不屬東
君管開早應遭北客嫌玉局揄揚非過許孤山描

寫得專無見彈可笑求鴉爇雪裏何論調鼎鹽
精神全在雪風嚴不競韶華若退謙鍊到宣因兀
骨換參差無復強顏嫌宮粧淡掃鵝黃淺春態增
妍酒暈無自是餐砂仍服玉仙肌應謝酪和鹽

新寧竹閣敬次退溪先生韻

曾屈文翁佩左銅先生寶唾此軒中德儀猶像淇
園綠山斗憑瞻太華空真會更同親炙日詠歸還
似浴沂風當時溪石經題品休遣詩人別致工
燕寢香消古篆銅使君居在畫圖中花飛簾額春
光薄庭卧桁楊草色空琴韻正宜溪上月醉眠初

醒竹間風自嗟遲暮詩才盡分付丹青細下工
篆官饒富擅益銅瀟灑何如卧此中密籜交簷箴
宿雨清溪透席暎寒空宵眠竹閣酬前輩禊會蘭
亭擬古風除却世間摩詰手丹青句法未為工
宵眠竹閣間本樂天句時蓋癸丑著春且有脩竹故用修禊事
肉食終難近臭銅此君猶足友軒中竿竿玉立
非爭列籜籜龍騰欲上空瘦石寒溪團翠色踈
擗虛檻灑清風可憐人境俱新處續舊題詩愧
未工

原韻

退溪先生

再次竹閣韻

早過衙鼓響籠銅村火微明犬吠中觸石溪流鳴
泱泱隔林禽語喚空空春陰釀潤催梅雨曉露含
涼瀉竹風境物過清詩思澁每來描寫輒難工

過權兵使應銖宅

以詠剡職臣

獵得樵蕪錄首功紛紛節盡濫魏崇四尺孤墳荒
草裏短碑誰載益陽功

將軍載酒到吾廬不識南塘水竹居故宅淒涼姬
妾散春花無數滿郊墟

滿庭芳一闋為李尚古賦贈行之日本

問才子何年別建章乘槎又向扶桑天涯驚夢鶴
髮在高堂不見幾微之色形言面辭氣軒昂好箇
風波文忠信飲水笑樂梁

浪翻鰲背岫何殊齋閣焚香掉寸舌風霜烈烈蠻
邦男兒義氣輕身命要試平生鐵石腸幹事至庭
闈日暖綵衣舞侑觴

謝日本回答使吳允誨令公枉過

幾散清譽播儒林門巷驚看使節臨擬鎮輕浮敦
士習還將忠信化鴉音帆風遠送思鄉夢海月孤
懸戀主忱遙想陸生宣漢詔歸時不帶橐中金

挽權司諫春簡

昔我先君子遊從老栢翁最於先輩熟謂有古人
風臺館清時選聲名亞長崇丘園敦素履軒冕付
苓通誰向虛舟怒人非鶻冠聾靜恬資近道清約
務持躬學有淵源自容符德器充平生痾點小高
朗令名終猶子精誠篤居喪禮意隆淒風赴素幔
斜月映寒空玉樹佳城裏嚴霜曠野中分明續息
語千載繼陶公臨終手書樂夫天命之語故及之

次青鳧虛白堂韻寄康使君令案

問公名室義虛白取莊生潭靜知魚樂山空見鳥

情推誠鈞距廢高卧紀綱行更了心齋妙何好點
視明

聞韶樓故基憶潘溪子

聞韶為邑始羅代歷數賢宰誰倒指上下人物數
千載我獨有懷潘溪子緬惟成廟養人材藹藹
文王多吉士先生挺出起南服昂霄聳壑子尋祀
珥筆陞君白玉堂舉世爭目琳琅美密陪經帷商
古今博洽在漢傾中壘榮遇殊蒙稽古力一時流
輦誰倫比巧閑非是厭承明特荷天恩宰百里
毋慈君寵去留難翩翩五馬南州是聞韶佳麗士

名都風巖水穴多靈異鳴琴坐嘯政化閑高樓百
尺春風裊鈴齋畫靜夢青鎖神凝彷彿天顏通澄
源景得古人要爭道使君清如水留心育材振文
風文翁西蜀嗟堪擬黎庶幸天惠仁侯謳歌里閭
相賀喜公不必留我浮滂天末鴻飛迹在止于今
去世百餘年一草一木皆公庇野巫能歌送神詞
老吏猶指河陽李不待豐碑記遺蹟能使香名滿
人耳遺風餘韻耿難忘瞻彼高山爭仰止醉翁亭
榭不復存祇留環滁山水記只今賢關題名處寓
目梁間猶宛爾邦人修葺不復易想與甘棠同見

思使華觀風閱幾人敬慕前修深所企陋邦人士
雖魯莽欽佩盛意期無墜斐然狂詩如可採或備
遺事聞韶志縣有洪忠烈公祠潘溪作迎送神詞
○豐樓有濯纓潘溪二先生題名

題石陽正畫竹帖

畫中難畫竹若梅竹尤難畫非梅匹植物本靜狀
得活風韻瀟灑從天出湖州一派在彭門誰其繼
者石陽筆峴首亭前初識面為從橐中開卷帙濃
淡榮枯各有態物付爐錘工不一千尋劍拔披短
幅葉葉枝枝氣橫溢崩崖倒出勢若飛石上孤生
踈且迢悄然坐我瀟湘岸滿堂秋聲起蕭瑟黃陵

廟裏烟雨痕顏色依稀難致詰叢條楚楚羨少年
錦籜森森迸六七黃岡老節葉半脫斫頭將軍不
屈膝稍端積素綴玉磬寒氣動人生凜慄中有龍
鍾擢脩勁伶倫見之擬調律我哀孤鳳無所食請
君為寫琅玕實最後一紙惜不傳數寸忽枯全枝
茁自言絕筆難再作偶爾臻此非意必乃知玉孫
透天機未必規規精藝術氣運生知非筆力工與
造化論纖悉萬物雖多無足嬰獨與此君結緣畢
想見繁薄初畫時神志不分疑而壹肯中了了見
成竹下筆無礙舒反疾兔走鶻落不停手小或停

機得還失色空離幻入三昧高處在踈工在密德
不與設氣來齧肅然可敬非可昵憶在先朝荷
睿賞天厨絡繹分馨餼至今御屏在東序天球大
呂相甲乙十紙餘灑露送似萐萐奇香滿書室同
時並名稱三服簡易石峯有題述閣中展玩興茫
然坐待青山空捫虱

挽權舍人叔節癸丑

海內忘形友如君未二三相離恨已苦永訣痛何
堪玉署曾連袂銀臺共拜函圭章應特達瓦礫偶
同叅色舉如其智遲個笑大慙西清辭直漏中首

換華簪前燭中原夜聞雞罷劇談回車上洛日憑
驛遠相探棗鄂聯棠帝君恩共海涵嶺雲愁渺渺
江樹影毵毵良覲期難卜嚴程日倍貪夢尋迷道
路朋喪哭西南徹骨鋒如割熬中火似煖清明資
粹稟文學藝精諳義合投膠漆交非飲醴甘偷生
翻作累後死轉成慙王潤真佳婿蘭芽是好男諸
公經紀悉伯氏撫恩覃白首空題輓丹忱愧脫駮
眼枯餘血點遙寄漢江潭

漢都八詠月課

秦中形勝最堪諱表裏江山足詠歌碣磳終南隣

太華逶迤素漢接天河平沙遠帆風前飽紫閣晴
嵐雨後多 聖祖開基彌億載分明地利又人和

右畿甸山河

華嶽嶙峋紛堞明秦川如畫繞咸京祥雲輝映盤
雙闕春樹依微覆夾城閣道回連斜漢界天風吹
下步虛聲文王七十人猶小同樂吾民致太平

右都城宮苑

微微暝色下觚稜輦路塵收月欲昇隱隱鐘聲來
廣陌煌煌大樹撒華燈豐亨有漸天心豫朝野無
虞樂事仍聞道金吾停夜禁不妨扶醉喜騰騰

右鍾街觀燈

一上高亭俯碧川玉京銀闕浩渺邊松江景物輸
才子赤壁風流喚謫仙秀色空明還可掬清光蕩
漾不成圓迷情為翫江心月舉眼方知月在天

右濟川翫月

才子指翫月事
松江橋翫月事

夕帆無數飽風齊軸尾相銜一望迷千里蠻琛通
海外四方綱運簇江西公倉歲課京坻羨街市朝
傳米價低不借委輸風便力車摧輪輻馬穿蹄

右西江漕運

鳳城東陌平沙塲霜草蕭蕭劍戟 十萬貔貅趨

號令三千組練鼓顏行常時鉅鹿思賢將今日岐
陽頌 聖王為報嫖姚宜殺賊莫教烽火被巒岡

右教場試藝

離離叢石抱江郊沙苑寬平恣驟跑絡野籠山聯
錦繡嘶風蹴月謝鞭鞘無邪一語誠堪頌不殆三
言亦可朝聞道漢庭求泛駕君王不復重蒲捐

右箭郊牧馬

我送君行君別儂去留俱是意千重驅車出祖臨
西郭籍草傾壺倚古松關樹經霜秋色老秦山橫
黛夕陽春莫辭聽唱陽關曲鴈外無書寄一封

右盤松送客

送李學士赴龍灣

東槎妙選倍生輝仙侶聯翩拜瑣闈聞道詩聲驚
上國近來詞客似君稀

橘籍月課

洞庭霜後萬顆黃尤物從來產越鄉羅帕已輸金
闕貢牙籤猶算木奴場騷人擬賦憐皇樹園客含
顰噴雪香曾向蓬萊露兩靈因將病橘諷君王

讀三國史有感

荆門郢樹遠蒼蒼千古江陵事可傷不馮英雄多

少恨阿蒙懷詐記，雲長

自怡

茫茫宇宙我為人，天地忝三一粒身。學道非關亦
勝解吟詩，聊用拂情塵。蒲團坐久，松花落瓦鉢，擎
來茗粥新。巢許夔龍俱可略，北窓高卧，尊天民。

賦玉堂鸚鵡杯

以鵝為之出
賦羅海

隴鳥能言悔禍胎，化沈滄海敵瓊瑰。輸與玉堂豪
賦客，飲酣翻挾補衡才。

戲次橘叟韻

橘大何能容此翁，箴身妙境樂難窮。簷前杞菊輕

三秀物，外衣冠有古風。浮世本來無久計，象枰隨
處可長終。看君寓意還非淺，莫向巴園辨異同。
條桑種杏棘籬齊，墟落依稀隱者棲。泉脉暗通山
溜細，地形偏起草堂低。野情澹泊詩難就，烟景孤
虛畫亦迷。何日杖頭沽酒去，偶然乘興過橫溪。
一溪晴綠沒鳧翁，斷嶺橫斜細路窮。醅甕香浮猶
臘味，梅梢紅綻已春風。林居高枕身長健，世事翻
棋局未終。病減新年藜杖在，松端皓月賞宜同。
移卜灤西草屋齊，詩催驥子樹鷄棲。村談適意願
頻解客難，非情首自低。窓下枕書聊偃息，墻陰栽

柳可藏迷春來隣舍松醪熟恠殺溪翁不出溪

簡金正字景徵

為問城東金正字近來眠食復如何詩詞最得風
騷體文學幾班游夏科君子不憂知己少老夫方
信閱人多世間名利都閑事須把遺篇更切磋

復次

禁直端憂對月哦英僚新得水曹何清詩最愛無
瑕點俗學翻慚落臼科揚子著書空自苦相如為
賦動人多煩君勿棄他山石兩玉由來不相磋
蒼習難除觸物哦暮年歸宿欲如何耽看硯席旁

行句解判標嚴第幾科一錯打成幾不足三函悟
了亦非多試拊庸學沈潛久精細一夫切復磋
盡日低頭信口哦病孤杯酒奈愁何詩探膏淡士
邊味方閱風寒內外科華髮蕭疎能更幾宦情衰
颯轉無多惟將琢句勤磨瑩不到精上不廢磋
旅館寒宵擁被哦飽聞干柝警誰何潦中曾積瘵
官誚柱後猶寬誤國科江漢暮年知己少關河春
日別樣多願言少壯崇明德九十人猶尚切磋

宜陽席上追次賓字韻

華館樽罍肅序賓玉璫初度局終旬輕寒巧逼梅

粧雪淑氣潛催柳弄春門外不須籠鶴客雲間應
有獻挑人叨筮舉壽無他祝願作邦家柱石臣

次韻驪興於宜陽宅席上賦妓

曾見梨園第一娥春風院落飽經過題名籍內今
誰在擁髻樽前恨轉多玉蘊藍烟愁抵鵲珠圓碧
露喜攀荷當時朝士搃零落休唱昇平供奉歌

五六用妓名是日碧荷者來而王露者不來
玉乃主人公舊時而棄之者故云攀荷誤水
肥蕩漾不成
本青蓮詩

次黃岡沈倅種竹韻

物移鄉土稀為貴也是三竿勝萬竿多少路傍花

折客此君非意不相干

南歸次申季涉贈韻

竊祿清時去較遲乾坤莽蕩此身微心為形役美
惆悵事與時違便乞歸水國蒼蒼月未落山天耿
耿星初稀行行歧路老將至鏡裏應添霜鬢輝
老來方覺別離難分手前期豈易攀暮日歸帆京
口渡秋風匹馬穆陵關無心絕俗因携室有地藏
愚莫買山却笑悠悠成底事長年辛苦路歧間

次韻寄李深源兄弟

華髮蕭疎不滿簪衰顏羞却鏡中拈棲心虛泊神

猶奉絕意喧煩習已恬行止在天邦敢必吉凶由
我且休占夢中偶踏秦京道天外三峯似舊尖

時清源宰龜城
談星命故及之

詩情浩蕩政難禁行思停機筆復拈荆榻笑談宜
穩密管圍寢食想安恬甚排檝局空相對鵲噪柴
扉浪自占日暮長堤人斷絕眼穿孱岫聳孤尖

小齋

小齋高卧起常遲日用都閑却似癡白首挑燈看
細字寒窓呵手弄殘碁休心放曠身無累與物道
遙迹更奇萬事自來隨分定一生行止復何疑

老課何嘆見事遲萬緣休罷懶成癡隣僧見借登
山屐野客來圍睹鶴甚夢悟邯鄲為幻境眼看腐
臭化神奇飛騰食肉應無相羞向唐生強決疑

謝合浦申太守寄海榴

韻果何年出漢家星苞粲粲露凝華鐔房多子瓊
含液溶介輕膚雪映砂風味偏知酒後妙盃盤忽
覺釘來奢病夫得解消中渴絕勝東陵五色瓜
喜看仙果到貧家捧玩其如感物華清露滋含鶚
粟殼輕羅薄護錦溪砂瀘戎貢荔徒誇品漢苑傳
柑抵競奢滿滌塵煩何所似安期棗有大於瓜

潘令何年種滿家開時應與鬢俱華猩紅裙短裁
巴錦囊露紗明透蜀砂澣齒先知瓊液潤剥皮還
惜玳紋奢荷君珍貺長如此却怕遷期未及瓜

潘岳有
石榴賦

李清源携酒見邀於池上先醉倒遂留題而
歸

龜城監務鬢于思醉卧空山客去時殘樽移席無
人共索筆留題一首詩

次友人韻

平地猶堪作醉仙風流笑傲竹林賢才名誰繫蒼

生望遠樂天教我輩全墮藥牽絲粘釣鬢寒策背
兩倚篙肩儘將景物供詩料信口吟來信手傳
丹訣無成愧老山依依遠慕耦耕賢眼前世態窮
千變肘後神方閱十全松寺擬同棲鶴夢筭興要
試擔夫肩慙慙為報桃源裏點檢浮花莫浪傳

次韻詠梅寄懷

占得年前第一春月描踈影便傳神西湖處士醒
仙夢東閣何郎作後身臨水插花憐我醜巡簷索
笑為渠頻江南坐惜芳菲晚欲折瓊枝寄遠人

次韻別李深源

東風吹綠遍江南小院紅桃宿雨含騷客不堪春
意懶離亭况復別筵奈親庭漸遠應長戀嶺路多
艱莫漫貪只待綠衣重覲日共聯遊騎駐冰潭

謝中察訪屢訪

門巷寥寥草自深廢書端坐聽啼禽兒童忽報官
人至知是申丞又見尋

次合浦客軒韻

孤城枕海半頽頽蠻觸曾經幾戰來壕鴈遠迷寒
雨去岸潮空打夕陽迴平時民物歸猿鶴亂後軍
容散草萊欲訪詩仙何處所玉簫聲斷月中臺

次韻謝李子敏令公寄扇

琅玕為骨貼霜縑表裏通明動靜無皓月如尋居
士陋清風却播長官廡何心舉障規塵汚只要揮
除盾日炎白首閉門空著論非君誰訊老夫潛

來詩有元規塵外卧
陶潛之句故及之

齊天樂為百歲翁賦

神仙何在蓬萊山騎鳳乘雲往還渴飲瓊漿飢餐
金膏留童齒駐冰顏有聞無見弱水三千渺渺隔
塵寰報你知道只是在人間

人間甲子多少三萬六千日子已回環七十兒郎

雙鬢如鶴春風舞綵爛
編碧桃花下細酌流霞醉
聽鳥間關更滿千歲笑
歸蓬島山

謝尹監司次野年兄見枉

相門才子重南金
年少躋卿譽望深
府尹榮持新使節
棣華輝映舊棠陰
枏中方面誇吾輩
嶺外風聲聳士林
南極福星明兩兩
樂人加額共傾心

種叢荷

四蟲腊毒最堪猜
嘉草攻之有自来
遠從柳子傳方法
移就墻陰用意裁

柳子厚有叢荷詩荷性好陰

水潭口號贈別合浦申太守

嫩綠輕嵐活畫開
冷冷澗水透屏來
一觴一詠情珍重
莫強青娥捧玉盃

一年花事收丹開
山鳥提壺勸酒來
離別苦多相見少
呼兒頻覆掌中盃

兩崖相對石門開
一道飛泉憶復來
頭上黑雲催兩色
臨分更進馬前盃

漠漠輕陰不肯開
鶯聲偏惹雨中来
欲回醉興獨離恨
更進陽關送客盃

花應笑我多愁開
水亦恨君遠別來
却被傍人生錯訝
中年無事更耽盃

梨花零落棟花開三月已過四月來可惜花隨人
共老秋風莫放菊花盃

暮雨溪邊一樽開何人解事抱琴來匆匆臨發還
相住強折花枝數別盃

懶將懷抱向人開悲自中年送別來老去一時君
更遠莫厭牽挽勸情盃

過李壯元舊居

飛甍高棟入雲斜曾見平時豪士家堂上笙歌喧
夜月樓前珠翠暎朝霞兵戈冉冉星霜久門巷依
依草樹遮過客墻頭空駐馬海棠經雨落疎花

聞曲江商山兩使君兄弟會李蒼石諸賢于

洛江亭相與唱酬追次其韻

德星新聚洛東壩贊詠還慙筆力絲騎馬共看山
簡醉飛鳧爭候葉城仙風流醞藉水冠會勝事騰
傳棣鄂篇欲向荆潭賈秀句賤名何幸得牽聯
笑領銅章左海壩眼前鹽課略絲縣常時屏嶂圍
如畫盡日樓臺望若仙衙罷何妨理謝履客來聊
示和陶篇要聞魯衛新佳政褒重翩翩一札聯
皂蓋雙飛洛水壩暫辭朱墨苦纏絲須知傲吏非
允吏總道真仙是謫仙遥擬綺黃商嶺詞爭傳元

白曲江篇最欽蒼石詩聲久慙費安排一兩聯
長夏登樓望海壘海棠經雨濕紅縣觀文舊是笑
蓉主阿季今為洛浦仙管領江山無吏隱招呼風
月富詩篇人間五馬虛榮貴歸取真班紫府聯
要看惠澤潤河壘福及京師詎眈縣黎庶不妨吟
杜母使君元是姓丁仙垂簾自得澄源術鎖印時
探繕牘篇早晚天書行見召鳳池波暖鴈行聯
昔別匆匆在漢壘天寒時序折水縣長懷金石平
生友笑謝蓬萊列仁仙二仲共開來往徑三閭虛
賦遠遊篇感君高義憐貧病門外翩翩過從聯

洞庭之東江水壘蒼梧雲盡九疑縣登臨題詠憐
光祿物色分留與謫仙氣蓋乾坤老杜筆膏吞吳
蜀簡齋篇但於此境雄開眼莫向詩神苦乞聯
負罪還同坐廟壘逃名不是隱於縣尚來軒冕非
吾事妄逐緣塵愧覺仙鬻技難封龜手藥全身聊
學馬蹄篇投桃欲報瓊瑤句敢望韜瓊舉秀聯
護田溝水接塍壘翠靄浮天樹勢縣松竹閉餘無
俗客煙霞深處有幽山廢書只領忘言意削稿惟
存止酒篇萬懶千癡閑度日教兒時抄盛唐聯
至寶元箴坎水壘冲和真氣本微縣分明眼舌能

為賊奴斂精神即是仙鍊得九還參魏訣功存一
既驗秘篇煩君須擇菊莢話勿視尋常七字聯

前見曲江兄弟神色不揚味必不由於色味兩
疊故未偶及之留意如何無之則洗事而戒

七妙

走次申順夫令公和示顏字韻一

流光荏苒屬將頽衮衮天機自往來白露暗凋籬
送悴賓鴻巧遞燕初迴蕭條可忍埋書卷駢骸猶
堪卧草萊病裡更聞佳節近百年能復幾登臺

秋霖初霽再用前韻

平臯遙帶夕陽頽無限溪山滿眼來窓可韻清殘

暑退庭梧影薄早涼迴雨餘門巷深苔蘚秋後原
田半污萊思釣嚴陵七里瀨煙波底處有高臺

書眠偶次張宛丘韻

小齋新涼稍有餘溪聲山影助清虛柴扉客去還
高枕竹榻風來自卷舒郊外坳塘經雨斷日邊消
息入秋疎紛紛得喪關何事夢寐無榮亦晏如

題農野次陸放翁韻

爭利場中偶脫鞵林泉雅志幸無違身親南畝侵
晨去夢斷東華待漏歸在世可辭煙火食逃名休
製爰荷衣不知誰是問津者沮溺如今亦合稀

輕身勝瘴最堪誇只恨當年誤伏波此物非關能
作崇讒言自是惑人多

次林和靖八梅詩韻

不見梅兄今幾時相逢籬落慰新詩冰澌半禁含
霜朶雀啁先開近水枝願託芳心通雅素只憑清
夢道情私絕愁偷引羗兒笛楊柳繁聲一併吹
寒谷潛回氣暖妍詩家物色占芳園數枝溫冷分
南北一樹凝明徹曉昏疎影暗香真面目凌風却
月舊精魂團爍把盞酬孤豔為惜飄英點綠樽

霜澌薄薄掛鬚乾欲盡冰純下筆難
霽濕紙窓斜映玉蕤寒折來我自興詩感寄去誰
能作意看腸斷江南扶醉路風飄雪片滿征鞍
瑤英的皜著人迷噴雪枝頭撲麝臍閉戶為畱香
掩弄橫窓忽覺影高低來窺月下憐渠瘦折取燈
前索我題世上論花無第二莫言桃李自成蹊
病起冰溪綠漲回忽聞春信到寒梅草堂健步何
由致水部吟魂可得迴
息蓋能忘花下醉青帘
認雪邊來年華易歇堪悵強為餐香噉一盃
垂垂催白幾人頭芳意駸駸自不休
忽得數花傳

臘信若爲千片亂春愁一聲吹度關山去半點酸
含鼎味畱此日江南看爛熳北人剪綵正堪羞
祇恐梅花一片殘清溪曉踏不勝寒風姿酷被騷
人賞澹素寧容俗輩看雪裏暗吹沉腦散鬚端新
染麴塵乾微吟高詠千回遶月落前村夜已闌
郊扉冷落掩疎荆邂逅梅兄喜合并誰道雪膚姑
射白我評人物伯夷清相看欲吐無言意臨別應
含未了情若立等差天下色花中推汝冠羣英

次宋賢賦梅韻

槎牙古樹嫩條長忽得數花逾靜芳萬壑凝餘回

暖律千林凍過著生香仙粧迴脫鉉華浣玉艷應
猜雪片歲月落參橫驚醉夢不知晨靄啓東方
肯隨桃李如年芳獨擅冰霜徹骨涼月印清溪籠
淡影風撩凍雪漏真香瓊英堪伴瑤臺鶴縞艷宜
裁玉女裳料得三春無正色暫時紅白太顛狂

丁東園和示塹字韻無寄溪藤松菌仍依韻
謝之

蕭灑津亭近水塹倚欄高唱落清絲使君雅望連
雙壁座客風流敵八仙恣灑金壺饒逸興頻停玉
罈遽華篇從今洛社增詩價應擅名珠寶氏聯

小築水溪數畝，故人雙鯉問沉絲。東園方慕茹
芝老，西掖曾陪視草仙。忽覩楮郎如雪，面應從水
部索詩篇。何時取次成歡笑，鳧舄差池舞袖聯。
膏流松土潤如垸，午釘鬢鬆擁衲懸。誇說豈尊輕
內史，邀叅玉版喚蘇仙。貧供二韭安愚分，貴食萬
錢欠相篇。忽覺山厨滋味足，頌羊何羨藉官聯。

次韻李深源寶川八景

丹崖蒼壁盡難成，重疊遙空縹緲橫。旭日射霞分
錦縷，飛泉灑石瀉絃聲。拱扶京國川原秀，撐柱東
南地勢傾。羨爾結廬竒絕處，年來心跡喜雙清。

右前巖丹碧

羣山騰沓擁關門，萬古雄盤震位尊。天外平浮千
點岫，山根新聚數家村。滿庭蒼翠濃成滴，遠坐煙
嵐活欲奔。日永空齋淡無事，松濤還起靜中喧。

右後嶺蒼翠

寒山露出數間庵，古壁惟存卧佛龕。疑有斷碑亡
甲子，空教習漏說瞿曇。墨卷雲水碓機猶轉鑽，紙窓
蜂咽復啞寥。落禪房誰是主，殘僧應覓野狐叅。

右廢庵書扁

孤煙夕起林垞幽，漠漠輕籠柳線柔。看取桑麻迷

杜曲描從水墨倩營丘人家源裏淺深住詩景眼前容易收須信太平還有象阿童橫笛喚歸牛

右孤村夕炊

原草蒙茸如剪平傍人飛燕不曾驚迢迢欲碍征輪駐漠漠應連別恨生漢曲可堪仙佩冷沙頭偏濕客衣輕王孫一去芳菲歇悵望江南淚滿觥

右平蕪細雨

真臯葱蘢午陰濃鳥鳥鶯鶯聲翠幾重學彈箏姬停鳳柱靜聽鄰女輟村眷間關自得春光爛斷續難任意態慵休傍歌筵聽豔曲向來塵念太憧憧

右緜樹流鶯

商律勾回青女飄蕭騷林葉競辭條孤臣霜鬢千莖白壯士朱顏一夜凋寒氣正添弓力緊平原不惜馬蹄遙調鷹走向城南獵暮景狂懷祇此聊

右晚林凋霜

疾風回兩一壓江烟凍霰霏微忽滿天祇有短篷依靜岸更無飛鳥度平川淮西縛賊功難就灞上吟詩病可憐稍慰憂民賢太守虔誠默禱霧猪泉

右寒江落雪

奉酬朴青松令韻寄魚川

年律垂窮百感生難將魯酒破愁城思量學術千
歧惑點檢公私一髮爭狂叟危言齊得喪了翁舟
喻戒偏傾何如兩忘魚川上好伴宗雷結社盟
小築湖邊製棟茅高低得所位齋庖冰柴日暖魚
爭聚凍樹雲冥鳥競巢案上陰符因懶展腰間紫
綬付閑拋幽居清悄松扉靜時有山僧月下敲

敬亭先生集卷之二

